

OMUKWETU

Registered at the General Post Office as a Newspaper



OMUTUMWA DUNZE A PEWA OMASIKU 14

**OMUSITAGONGALO GERHARD DUNZE, MONGERKI YA ELK
INA ZIMININWA WE A KALE MUSUIDWES NOKULONGE
IILONGA YE YOPAMBEPO.**

Evangelii neongamu- konda

Ombili, ohole, emanguluko neliudo liwa, oyo aike tai pumbiwa komunhu keshe wopefimbo eli, nde mupya munene haalushe omunhu te i shakeneke. Luhapu omupya, outondwe netilo, oya fa hai tetekelele omunhu meemhumbwe doye. Omolwaasho oinima ivali, evangeli neongamukonda, okwa li i na okweetwa po monghalafano, opo omunhu keshe a amenenwe ewano laye.

Nande hatu fimaneke ei aische ivali, ohatu kaleke evangeli komesho yeongamukonda, eshi tu shi shii kutya elao laau a kalekelwapo ombili keongamukonda, oli dulike kokule kulaa te li kalekelwapo kevangeli.

Omundohotola Martin Luther, ote shi yelifa nawa eshi ta ti kutya, osha li sha pumbiwa ovanhu aveshe va kale koshi yepangelo levangeli, opo va ehenifilafane komesho elao lomunhu keshe meliudo liwa. Ndelene eshi haaveshe va hala kulitula koshi yevangeli, onghe elongifo lomukonda ola pumbiwa yo.

Ombibeli yo otai popi nawa eshekuno lomhango eshi ya nyengwa kufikifa ovanhu moyadi wemanguluko lomaliudo. Ovanhu nge nava ka tye "hee", va fuda omufudo mule wetulumuko, osheshi ohonde yaKristus ya tambulwa meemwenyo dovanhu, oyo ya ninga odjo yombili tai kalelele. Eli olo efina levangeli.

Ngenge Kalunga ta udanekele ovanhu ombili, oshiwana ile oilongo, nena okwa li e na oku va udanekela tete ekufepo leongamukonda. Joel 3:10 2Mos.18:4. Ihatu mane oku shi pameka nOndjovo yaKalunga. Nongenge ongaha, omalipulo otaa pendukile omunhu keshe ha shikula outeku woiwana muNamibia mefimbo eli. Ote lipula:

● Ngenge ope na elalakano apa evangeli neongamukonda i longe pamwe ile eongamukonda alike li pangele?

● Nongenge aische otai kala po, kutya oshilipipo tashi tetekelele shikwao, eongamukonda ile evangeli?

Ovatumwa medu eli ova hovela okulixwena nokuhonyaeka moshilonga shavo shevangeli. Shiimba vamwe mokuudifa tave lipula unene kutya epangelo otali va tile shike, shi du-life okulipula eshi Kalunga ta pula.

Kape na ou te shi twifa omhata kutya, evangeli ngenge tali mwene-kwa muNamibia ile tali imbwa okushakenifa oshilonga shalo apa, ou ke shii shito oukomunisi eshi tau ti noishikuli yao, otashi ke mu yeleda diva.

Metumwalaka lya za kepangelo, omutumwa Dunze okwa lombwelwa:

Oshikandjo shandje itashi ka dhiladhila we okulelepeka ekalopo lyoye noto tseyithilwa ngashingeyi u thigepo S.A. muule womasiku 14 okuza kesiku lyombapila ndjika ya shangwa. Ngele ino shi ninga, owi ilongela egeelo paveta yoN.1 yomumvo 1937. Omusita Dunze pamwe negumbo lye okwa kala omusitagongalo mongerki yaAandowishi (DELK) nokwa yakula omagongalo: Keetmansoop, Maltahöhe naMariental.

Okutameka esiku lyotango lyaFebuluali nuumvo okwa ka longa Etestamendi Ekulu moseminali yuusita kOjtjimbingwe, tashi ti okwa



Efolo Dunze

taagulukile meyakulo lyongerki yaavalelwamo muUshimba (ELK).

Onkundana yokutidhwa po kwe oya pendula etamaneko enene maalongi nomaalongwa mosikola ndjoka. Mombilive ye yi shangela koshikandjo shiinima yomeni lyoshilongo oya ti kutya:

Oohapu dhEpangelo kutya otali lalakane-ne uukumwe netungombili mokati kiigwana yaSuidwes, osha kunu ashike okwaanombili nuuwinayi. Etokolo lyoye otali tsu kumwe noonkambadhala dhEpangelo okulyatela ongerki dhetu muSuidwes pevi noku dhi ikalekela.

Ombilive oya gwedha ko kutya, shono inaye shi tumbula Epangelo lyl itedhulule ando metokolo lyalyo, ihe oku ulika kutya omautho ga tya ngawo otaga dhipaga nokainekelelo okashona okwiinekela epangelo hoka ka li ka hupu ko.



Omusitagongalo Gerhard Dunze
EPANDULO

Omukulugwonale sho a tile, waa pandula noyaka, mpaka otwa hala tu pandule aamwameme mboka ye tu kwatha mongalo yokugongela iimaliwa omolwetungo lyongerki R24.50.

Mbika oya thika nawa lela kutse ke-gongalo lya Tshandi. Omwa longo oshilonga sha simana one aamwameme ye-gongalo lyetu kOmbaye pamwe nookuume yalwe, Pamba ne mu kwatye, Kalunga ne mu yambeke miilonga yeni.

*Peha lyegongalo,
J. N. Shatika*



Nakusa Kent Knutson, okwa li omuwilikingerki moshilongo shawo muAmerika, nomukwatelikomeho miinima oyindji yopaukumwe woongerki (ekumene). Pamwe naye kolumoho omuwiliki miinima yongerki Willebrand Omukatolika. Oshipopwiwa she kep, 4

Ekulilo lyaKristus inali longelwa ooyamwe

"Nando tse otu li po kaatu na emanguluko lyokwiinyenga notu na eipulo nkene tatu yakula oshigwana shetu, onkene ngaa eyamukulo otatu li ipe tse yene kutya ombinzi yaKristus oya tika molwetu, nosho tashi ningi ehekeleko lyetu.

Osho omuyevangeliste Filippus Butkus, a popya mOngwediva omasiku ngaka.

Omusamane Butkus, Omudamara metalelopo lyomasiku gatatu mOwambo, okwa li a mono ompito yokukala moshigongi shaalumentu sha kala mOngwediva petameko lyomwedhi nguka moka etungathano lyomeitaalo lya li oshitsa shopokati moonkundathana.

Ongoshilyo shomEwilikongundu lyoshilonga shomokati kaalumentu muNamibia, tate Butkus okwa ti:

Tse otwa ithanenwa iilonga nopwaa na okutala ondjelo yomuntu oshoka Kristus ekulilo ine li longela ashike ooyamwe.

Okwa tsikila ko ta ti, omuntu ongomushitwa gwaKalunga, okwa shitwa a kale nohole, opo e yi gandje wo kwaayehe, noku yi taamba kuyo. Ano inatu taleni ano uukwashigwana mepya lyOmuwa."

Oshilonga shomokati kaalumentu osha nina epulo edhigu hamongerki ndjika ayike, ihe muVelkswa alihe. Oshilonga shika osha mona omakankameno mUushimba nope na etegameno shi holoke wo mpaka.

Ekotampango olya thiki komagongalo agehe mongerki ndjika ku talike nkene taku tsikilwa. Nguka omukalo gumwe nkene iigwana mbika tayi holola ondjuulukwe yuumwe nando pe na iiyimbi.

"Inatu ipuleni nkene tu na okukwathathana omolwomaimbo, gelaka nenge gemanguluko, shimpa tu na ohole ndjoka tayi zi memanguluko lyohapu dhaKalunga.

"Otulilathanenipo, nuuntu wandje otau kala uuntu nge ndi li mekwatathano nane, osho wo uuntu weni otau gwana nge mu li mekwatathano nangame, opo tu humeni ko kuKalunga," osho omuyevangeliste gwaa-gundjuka a ti.

Omusamane Butkus, oku li mOshomeya



Oshituthi shakuku Selma Rainio

MOnandjokwe omwa dhanwa oshituthi oshinene shehambelelo omolwomundohotola Selma Rainio, Gwanandjokwe, ngaashi Aawambo ye mu luku, ngoka a longo iilonga iinene mpaka mOnandjokwe. Okwa li a valwa 21.3.1873.

Aayenda ya zile kOshakati, kEngela nokOngwediva, oya gongalele mOnandjokwe 25.3.1973 okudhimbulukwa esiku lyevalo lyomundohotola gwotango mOwambo.

Eti 14.12.1908 kuku Gwanandjokwe okwa thikile pOniipa okutameka oshilonga shuupangi. Ongomuyakuli gwOmuwa mpaka, kuku okwa tungu oshipangelo, okwa panga, okwa tsu aagundjuka omukumo okutaamba eithano lyaKalunga mokuyakula aakwanaluhepo nokulonga oshilonga shetumo.


Okudhimbulukwa nokuhamblela Kalunga sho a longitha omuyakuli gwe, aayakuli yomiipangelo kumwe naatumwa, oya gongala kumwe esiku lye ya opalela.

Aangela oye etelele oondjimbo dha kelengendja nawa. Aashakati ye e ta ongala oombwanawa okutulwa kombila yakuku Gwanandjokwe nAangwediva ye etelele omaimbilo nomapopitho, aayakuli haa yakula aatumwa mOnandjokwe, taa dhana ehokololo lyomuuyuni wanakusa yo oshituthi ashihe tashi gongele iimaliwa R62.45 pethimbo ndyoka.

Omundohotola Rainio ngoka ombila ye tayi tu popitha natango, ando kwa li e na omwenyo, ando a tsakanitha omimvo 100 nuumvo.

Kalunga na hambelelwe omolwomaganano ge ngoka e ge tu pe.

F. Ashipala



Kuku Selma Rainio

Aatumwa taa ka fudha po

Ye vule yatano

Omwedhi nguka aatumwa yamwe otaa thigi po Owambo ya ka fudhe po manga kuSoomi konima sho ya kala muupyu nomiilonga mpaka.

Aatumwa, oomeme Laina Kivelá, Kaarina Pankkonen, Anna-Liisa Hirvelá, Kirsti Asunta naSalme Manninen koKavango, oya thigile po Owambo 8. 4. 1973.

Aatumwa ooyakwawo ngaashi tate Raimo Luhta ngoka a kala moshilonga shopulanda yoshikunino shomiti mongerki ndjika koKavango, okwa yile nale omwedhi gwa yi, manga omulongi gwosikola yuusita kOtimbingwe, Juhani Kaipainen negumbo lye, oya landula ko 20. 4. 1973.

Omulongi Anniki Turtinen okwa galukile ishewe kuSuidwes konima yoomwedhi dhimwe dhofudho muSoomi. Meme Turtinen okwa kala shito megongalo lyaMpungu, ihe ngashingeyi oku li muNkurenkuru.

Ndele vo ova li mondjila tava i kuJerusalem. Jesus okwa li komesho. Ndele ava ve mu shikula okwa li va haluka nova tila. Jesus okwa kufa vali ava omulongo navavali nde te va lombwele oinima ei tai ke mu ningilwa.

Jesus okwa ti: Ohatu i kuJerusalem nOmona womunhu ota ka yandjwa kovapilisteli ovakulunhu nokovanongo vomikanda, ndele vo otave mu tokola a dipawe nde tave mu yandje kovapaani.

Ndele ova eta okandoongi kuJesus nde tava yale oikutu yavo kombada yako nde tave mu londeke ko. Vahapu va yala oikutu yavo mondjila vawmwe ova ka oitai komiti nde tave i yale mondjila tava ingida:

Hosiana, Omona waDavid, na nangekwe nouputa ou te uya medina lomwene. Mat.21:7-9.

Elok, ina hapupalifa nawa oilyo 1972

Ehapupalo loilyo yOngerki ya Elok, ola kuluka neepelesenda 0.17, omudo wa dja ko 1972.

Eshi osha dja mehokololo letulokumwe lomivalu domaongalo ngashi la tungwa komuyakuli wovanashilonga mongerki ei, omufita Toivo Pentikainen.

Oye ta ti kutya, ovakriste avesheshi va tulwa kumwe omudo wa ya ova fika 213,796 nokuyeleda noilyo 203,890 momudo 1971. Ehapupalo oli fike hano 9,906.

Tate Pentikainen ota ti, ehapupalo eli otali ningi eepelesenda 4.85 noku

Ehandu lEpangelongerki

Epangelo la S.A. onali ke shi mona kutya omaufo alo ehe na ouyuki otaaka eta sha shimwe shihe fi osho le shi teeleda. Ponhele yokukaleka po ombilli neshikulafano liwa, otape ya ashike epiyaano noutondwe.

Osho sha dja mombilive yomanyemato Epangelongerki mongerki yovaluale ELK, muUshimba, noya tuminwa Epangelo koshikondo shoinima yomeni lohilongo.

Epangelo la S.A. ola anya okulelepeka efinbo lomutumwa Gerhard Dunze a li omuhongifikola koseminali youteologi kOtimbingwe.

Eshi oshiningwa sha shikula ikwao ihapu eshi ovatumwa mongerki oyo inava itavelelwa vali kEpangelo va twikile noilonga yopamhepo moiwana ei.

Palife efinbo lokumwenena Epangelo eshi tali fininike ongerki, ola pita nde itatu ka tambula vali oshinima eshi twa mwena.

Mekwatafano nongerki yOvandowishi (DELK), ombilive yOngerki oya ti:

Ongerki yOvandowishi oya ninga okatanga kokudanaukwa nako kuovo oomwe ile eengudu, okutala kwavo kwokombada inava yeledwa nawa koupolitikana nelongokalunga.

Ombilive otai twikile ngaha: Omahepaululoitavelo ongerki yOvandowishi aa ye a tumakepangelo, ehetekele lokwilmonena ovapopili. Hano ehhepaululoitavelo laye okulonga paukriste, palife otashi ka nyengana, nosha yela kutya, noilyo yongerki yetu (ELK) itai tale vali kutya DELK oku li ongerki yopakriste.

Ondjila ya Judas

Ongerki yOvandowishi oi li fiyo onena opo ngeno i mone ondjila yokuya mehanganoleengerki eenghwaevangeli paLuther dovadalelwamo muSuidwes. Ongerki ya ELK noya Elok eshi daya kumwe nohadi ifanwa VELKSWA, oya indila i monene oshivelo fiku tai fiki metokolo okuya mehanganano.

Epulo lidjuu ola holoka palife mombilive ei kutya Delk okwa lamba ondjila ya Judas, nde ote ke i xulifa tuu pamukalo wajudas?

Okutapo omunhu kuhe na ouyuki kwa tya ngaha, oku na ekwafo lashike? kakele shapo okupashula omesho aavo hava tale oinima va mone ko nawa eshi tashi longwa apa ku Delk.

shi yeleda neepelesenda 5.2 domo 1971. Etongoko 0.17%.

Alushe pexulilo lomudo omaongalo aeshe otaa ongele omivalu doilyo yomaongalo kombelewangerki. Oilyo ipe ohai di mwaavo va tembukila mo va dja keengerki dimwe di lili nokomaitavelo amwe e lili osho yo unene movapaani.

Ehokololo otali ulike kutya ovapaani ovakulunhu va shashwa omudo wa ya 2,359 shi dulife 2167 vomomudo 1971.

Eongalo enyasha mOndonga, Onguta, ola findana mehapupalo neepelesenda

23. Ava okwa li ve fike 452 (ovatembukilimo.)

Osho yo mehokololo eli omwa monika ounghundi momivalu daavo va holokele meengudu dovanyasha, meengudumbibeli ile meefikola dOshoondaxa. Kwa konekiwa yo elongifo kanini IOvalelo Uyapuki momaongalo amwe, ashike omaongalo mahapu okwa longifa nawa omhito ei nove shi pandulilwa.

Ohokwe yovakriste okulumbakana nOmwene wavo momungome nomohonde otashi ulike omwenyo waKristus tau pangele mongerki.

Aamwameme, onda hala mu kale mu shi shi shono sha ningilwa ndje., osha taneke evangeli sigo sha tseyika ketanga alihe lyaalangeli nokaambala. Naamwameme oyendji mokwiinekelo omalyenge gandje oya tsuwa omukumo gu vule gwonale. Fil.1:12-14.



A mana oondjenda

Omuwilikongerki gwongerki onkwaevangeli paLuther muAmerika, dr. Kent Knutson okwa hulitha oondjenda dhe konima yethimbo ele lyuuwehamwe, eti 12.3.73.

Omupresidende gwoongerki Knutson, okwa lilwa koyendji unene aawilki yOngongahangano yAakwaluther muGeneva, moka a yakula ongomonashipundi gwootango mokangundu kiinima yeilongo mu LWF.

"Okwa li omulumentu ta holola uukriste newiliko lya dhenga mbanda," osho amushanga gwOngongahangano yAakwaluther dr. Appel a ti. Okwa si e na omimvo 48.

Aagundjuka yaali ya kundathana ukriste

Shikongo: Owe shi koneka tuu tate Shikulo, kutya omugundjuka omukriste ota pumbwa ookuume wo aakriste?

Shikulo: Onda koneka owala kombinga yomuntu kehe kutya okwa pumbwa andola aantu ye shi okwiinekelwa, ihe sho wa ti: **omugundjuka**, nowa gwedha ko **omukriste**, shoka otashi nyenge ndje.

"Shila nandi ku pule owala opo u pendje naanaa uyelele."

Shikongo: Sho shene oshi li ngeyi kutya omugundjuka sho e li po methimbo ndika edhigu ota pumbwa ookuume aakriste, o-po ye mu kwathe mondjila ye okuthika kethikilo lye, ngashi Omunetegelelo nOmudhiginini ya li aakwathi yomukriste (Pahokololo lyondjodhi ya John Bunyana membo Oweenda womukriste.)

Shikulo: Nandi pule natango kutya aakriste mboka omugundjuka te ya pumbwa oyo oolye?

Shikongo: Oye li po oyendji, ihe ne tumbule owala mpaka yamwe po mboka nda tala oyo yotangotango; Kalunga, Ombimbeli, omambo nohuginina aakriste ooyakwawo.

Ngele omugundjuka ti ilikolele ookuume mbaka eti itula mo nomwenyo gwe aguhe, kape na omalimbililo ota ka adha kethikilo lye.

Shikulo: Oi, oshinima sha yi muule ihe. Owa tumbula ookuume yane, muyo wa tu. mbula Kalunga. Nandi pule natango kutya, omugundjuka ote shi adha ngiini opo a kale kuume kaKalunga?

Shikongo: Kalunga oye kuume ketu atuhe nohe tu pe oompumbwe dhetu dhesiku kehe, ye te tu gamene kiiponga. Nando shi li ngeyi, osha yela natango sho te tu longo moohapu dhe kutya:

Indileni etamu pewa, kongeni etamu mono noshu tuu. Luk.11:9-10.

Osho tu shoka omugundjuka e na oku shi ninga meinekelo enene nota adha uukuume naKaluga.

Shikulo: Wa hala ando kutya, ngele ta kala omugalikani, opo ta adha uukuume mboka naKalunga?

Shikongo: Eeno, ihe hakugalikana kopandjigilile tandi popi mpaka, ihe okugalikana nomwenyo aguhe, oshoka okugalikana waa mo megalikano, osho oshiponga oshinene shoka tatu londodhwa kOmuwa, Jesus sho ta ti:

Hakehe ngoka ti ithana ndje Omuwa, Omuwa ta yi moshilongo shomegulu, aawe, oye tuu ngoka ta gwanitha ehala lya tate yomegulu. Mat.7:21.

Osho wo Omuyapostoli Jakob te shi tumbula kutya, okwiindila wa limbililwa, ino tegelela u uvilwe eindilo lyoye. Jak.1:5-8. Ishewe osha yela kutya etilokalunga olyo ekota lyuunongo auhe, onke megalikano omu na okukala etilokalunga neinekelo lya kola okwiinekela Kalunga kutya ota vulu ashihe, onke omugundjuka moku shi ninga aluhe, ota tungu ngaaka ontopa pokati ke na Kalunga nonkalo ye ayihe otayi yambapala naashoka te shi longo ote shi opaleke Eps.1:1-3.

Shikulo: Ewa, natu ye komeho. Ombimbeli otayi ningi ngilini kuume komugundjuka?

Shikongo: Membo lyEimbilo, Ehangano, omu na eimbilo 341 ov. 4 tayi ti:

Jesus oye othithiya, yomeya omanamwenyo. Teka mo tekelela, pepalekithwa ko-



Aagundjuka Joel J. Shikongo na Vilho Ph. Shikulo ngoka e li omutumba.

mwenyo.

Ano Ombimbeli oyo Jesus ngoka othithiya. MOmbimbeli omugundjuka tu uvu ewi lya kuume ke Jesus sho tali mu popitha nge te yi lesa nokweegulula omwenyo gwe.

Oohapu ndhoka otadhi hili ekwatathano lye naKalunga notashi mu tula megalikano ngashi Omupsalmi ta ti:

Oohapu dhandje odho tadhi tonatitha omeho gandje, ndi mone iikumitha yomompango yoye. Ps. 119:18

Shikulo: Tate Shikongo, ou shi tuu kutya aagundjuka kaye na ohokwe yokulesha Ombimbeli? Ohashi nyenge nomiligongi yawo, ihaye ya nadho, komambo ando lihuna. Nenge ongame owala handi shi mono?

Shikongo: Eeno, osho, ihe onkene nga omugundjuka omukriste ota pumbwa Ombimbeli e ende nayo, e yi leshe mongundu nenge muuwike. Ite yi si ohoni nando, oshoka oku li nakuume ke.

Ngoka ta si ohoni okweenda nayo, ye ite yi lesa, kayi shi kuume ke noita talwa omukriste. Natu ethe mboka kaye na konasha tu ukilile mboka ye na ehala nkene taa vulu okutungwa onkalamwenyo yawo yomuugundjuka.

Shikongo: Pitikila ndje ndi ku pule tate Shikulo, owa tseya tuu kutya onkalamwenyo yuukriste otayi pumbwa okutungwa niitungitho oyindji noya kola?

Onke ngoka a hala a kale omugundjuka omukriste lela, oku na okwiikongela ookuume mbaka nokukala mekwatathano nayo.

Shikulo: Kape na omalimbililo kushono we eta po, uukriste ote ke u adha lela kondambo. Salomo ota ti: Putudha okamati pandjila ndjoka ke na okweenda nayo nomuukulupe itaka ka puguma mo. Omaj. 22:6. Onda li nga ndi na epulo, ihe inandi hala tu tsikile manga inandi li pula. Ano uukriste wo wene oshike naanaa?

Shikongo: Oh, epulo lyoye edhigu ihe ewanawa. Otandi eta nga omayamukulo ngashi ndi shi uvite nando pamwe itashi ku yelele.

Uukriste nenge omukriste, otashi ti kutya, omukwakristus, a lukilwa Kristus. Ngashi tse yomeitaalo lyopaLuther hatu ithanwa Aakwaluther. osho ayehe muuyuni mboka yi itaala Kristus taa ithanwa aakriste, ngele ya kale Aakatolika nge Aayanglikana nenge Aakwareformi noshu tuu.

Nuukwatya womukriste owo eitaalo li na omwenyo ndyoka tali zi mokuuva oohapu dhaKalunga. Rom. 10:13-15 Oshinima oshikwawo tashi tungu uukriste osho ilongayakulo.

Shikulo: lilongayakulo iishike?

Shikongo: Ombimbeli itayi pitika u yi leshe noku yi itaala, eto kala wa mwena. oshoka otayi ti: Eitaalo lyaa na ilonga olya sa. Jak.2:14-26 Ombimbeli moku yi itaala noshili yomuyo, nena oto yi wo miilongayakulo.

Shikulo: lilongayakulo oyinipo ando ya gwana okuningitha omuntu omukriste e na eitaalo tali koko?

Shikongo: Osho oyendji taa dhiladhila kutya okukala meitaalo to li longhitha okukala ando omusitagongalo nenge omuyevangeliste, omukuluntugongalo, omulongi noshu tuu, ihe hasho.

Tu tale eyamukulo lyOmuwa Jesus komunongompango ngwiya a li te mu makele, okwe mu pe owala eyele lyomusitagongalo nomuyakuligongalo kutya oya pitilile po owala omudhengwa, eta yakulwa kOmusamaria, omukriste ando tu tye gowala ngoka omupagani kokuvalwa.

Osha yela kutya omwiitaali kehe okwa tulwa miilongayakulo. Eyamukulo limwe olyo ishewe ndika lyomugundjuka omuyamba ngoka a gwanitha iipango ayihe. Ihe Jesus okwa ti kuye: Ngele wa hala u kale wa gwana wa pwa, inda u ka landithe po ayihe mbyoka u yi na, eto yi pe oohepele ngoye ila ihe u landule ndje. Mat.19:21

Ondunge yetumbulo, kalandithepo ayihe, oyi shi oku uviwa ko nomadhiladhilo ngakuta kutya, inda miilongayakulo, etha ayihe, muukriste kamu shi okuyiwa niinima yuumwene, ihe okweetha ayihe eto landula Jesus u Imbe:

"Ombinga yange ei ndi na, Ya wana nde i hafela. Nonande ngoo ndi pongekwe, Nehafo hai va longele."

Kokutya miilongayakulo otamu pumbiwa omukumo neinekoko lya kola okwiinekela ngoka to longele.

Shikulo: Onda yelelwa ihe tate Shikongo. Natu ye komeho nombinga yomambo, sho wa ti nago otaga pumbiwa ga ninge kuume komugundjuka, oge na ano ekwatho lyashike?

Shikongo: Mugo oti ilongo nkene e na okuyanda omapola gaakaanakonashanakalungana.

Shikulo: Owa koneke gamwe gomugo taga ulike oshinima shono?

Shikongo: Omambo oge li po ogendji, ngele ngoka haku tiwa ogopaputudho lyopakriste mekoko lyomugundjuka, oge na

Tala kep. 6

Aagundjuka ya kundathana

Dha za kep. 5

oshilonga oshinene. Mugo ota teke mo uunongo woku mu kwatha. Nandi tumbule embo limwe ngashi "Oukaume pokati kovamati noukadona" Iya lundululilwa mOshiwambo kutate Leonard Shemuvalula.

Shikulo: Tate Shikongo, okambo hono ou shi tuu kutya oke na omadhiladhilo ihaaga uvika ko nuupu, naagundjuka oye ndji kutya oya fa ngaa itaaya ka hokwa oku ka lesa?

Shikongo: Osho naanaa. Nandi tye ohashi vulika omuntu e ka leshe ngaashi sata na ta lesa Ombimbeli, shi tya omusitagon galo Titus Ngula. Ihe shimpa u lwete omugundjuka ku uvite ko okambo haka shono taka lalakanene, osha yela kutya ina gwedha mo ohenda yaKalunga mokukalamwenyo kwe, ye ina kutha mo iilonga yulunde mokukala kwe ye ina indjipalitha omikalo omiwanawa mokukalamwenyo kwe.

Shikulo: Shono we eta osho nda adhika wo nda dhiladhila oku shi popya mpano kutya uukuume wa popiwa mokambo hono kau shi uukuume wa "Shi li mekunde osho tashi li ekunde," aawe. Ihe ongaashi wajesus naMarta naMaria.

Shikongo: Osho naanaa shoka. Onke onda ti okambo haka oka gwana okukala kuume komugundjuka omukriste.

Shikulo: Otandi koleke omadhiladhilo ngoka noohapu dhaPaulus sho ta ti: "Evangeli lyetu nge olya siikilwa, olya siikililwa mboka taa ka kana. 2Kor. 4:3-4

Kokutya, enenedhiladhilo lyokambo ewanawa, ihe ngele olya siikilwa, Iya nayipalela omuleshi, osha yela kutya kuye evangeli olya siikilwa. Ihe owa tile **omambo**, tse otwa landula owala okambo kamwe. Kaku na we gamwe taga opalele okuninga kuume komugundjuka omukriste?

Shikongo: O, oko ge li ngashi ndi tye,

Omahodhi gaavali, uuyuni uukwanampinyuka, ovaneumbo ovanelao, epukululohombo, ogo omambo taga kwatha shili.

Shikulo: Pamwe aagundjuka yetu tate Shikongo, otaa nyengwa oku gi imonena, opo ye ga leshe noya mone mo omulyo gwoku ya hila ya ninge ookuume kago?

Shikongo: Omuwambo ota ti kutya: She ku tumbula ihashi ku thigi nafunda. Ngoka a hala okukoleka uukriste we, ita nyengwa okumona ondjila yoku gi imonena.

Shikulo: Odhoshili, shila oshinima tu shi oku shi ulika mpaka, sho osho ngiika sha mana oompata monkalomwenyo yomugundjuka, tashi mu imbi okulesha omambo ge, osho **onyalo**.

Shikongo: Osho lela. Satana oye he yonyalo, onke ote yi longitha wo maagundjuka opo yaa leshe nando. Nongele nani otaa lesa, otaa pilike ngeyi euvoko lyawo opo yaa uve ko shono taa lalakanene, Nenge oto ti ngiini tate Shikulo?

Shikulo: Kushono we eta po shila otandi gwedha ko owala kutya, kape na nani oparadisa kaayi na eyoka. Onyalo oya ningi eyoka enene moparadisa, methimbo ewanawa lyuugundjuka mokukalamwenyo kwaagundjuka yetu.

Ashike nandi pule kombinga yaantu ooyakwawo aakriste, otaa kwatha ngiini omugundjuka?

Shikongo: Omugundjuka ekwatho kookuume aakriste ote li mono ngele ti ikaleke moongundu dhawo moka taa kundathna oohapu dhaKalunga. Ota kongo wo gumwe ngoka te mu inekele muukriste we, omugundjuka eti ikuumike naye uukuume, ye omugundjuka ta kala ha kundathana naye omapulo ge omadhigu nenge uudhigu ulwe, noku konga ompito yoku u kandula po koshipala sha Kalunga muuwike.

Puhe na Mhepo Iyapuki, kape na Tumo

Ope na oshinima shimwe ashike osho shi na okutetekela momunhu, opo oshilonga shetumo shi hovelwe, osho oshilonga shaMhepo Iyapuki, osho omufita woshilongatumo mOngerki, Paulus Andreas a ti.

Ngika shika oshidhigu komugundjuka oku shi longitha, ihe oyo ondjila nda tala otayi mu kwatha okwiilikolela ookuume aakriste notayi koleke eitaalo Iye.

Shikulo: Tate Shikongo: owa koneke aagundjuka kutya oku na mboka haa longitha ompito ndjoka?

Shikongo: Eeno, onde shi koneke tango ku ngame mwene. Sho ndi omonene ookuume yamwe, otwa kala nayo moonkundathana manga nda fa inaandi shi tsey. Nondi shi shi oku na wo yalwe mboka ye shi ningi mokwaatseye sha, onke ya popi nokupandula shoka sha li she ya zile moonkundathana naayakuli yawo.

Shikulo: Ihe ndishi mokati kaagundjuka otamu adhika wo mboka kaaye na konasha noonkundathana ngele dhomuuwike nenge dhomongundu?

Shikongo: Ngoka ihaa kala moonkundathana tathi kongo ondjila yehupitho muuwike nenge mongundu, ka vulu ku kala omugundjuka omukriste nando a kale e shi hala. Omugundjuka omukriste ota teke uunongo tango muKalunga, opo maamwayina aakriste. Oshoka okwa nyolwa:

"Tangotango kongeni oshilongo shaKalunga nuuyuuki washo." Mat. 6:33

Joel J. Shikongo Vilho Ph. Shikulo

Kalii po nawa!

Aawambo aaholike,

Twa ka fudha po manga kevi Iyaandjetu. Otatu pandula Kalunga omimvo ndhika adhihe twe dhi kala mokati keni. Otatu mu laleke noohapu dha Kalunga Joh.3:16.

Kalii po nawa, Kalunga ne mu yambeke.

Kaarina Pankkonen
Anna - Liisa Hirvelä



Uudhigu weuvitho Iyevangeli pethimbo ndika okumona ondjila ombwanawa tayi yamukula omapulo gomuntu gwonena, onke evangeli itali mangwa we koondjigilile nokomikalo dhonale, osho sha tumbulwa moshigongisikola shaamboka haa longo nenge ya hala ya ka longe momapya getumo mongerki. Aantu konyala 20 oya li moshigongi shika mOngwediva noya za miitayingerki ayihe yomOwambo. Tate Toivo Pentikainen okwa li omuwiliki gwsikola ndjika.

Moshigongi shaalumentu sha kala omasiku gane mOngwediva, tate Paulus okwa hokolola nehawo enene etameko lyoshilonga shetumo nkene shi na okutamekwa momuntu. Okwa ti kutya:

Onhele yoshilongatumo yotete oyo omwenyo womunhu, a mone epapuduko, notashi mu fininike okukwafa yo navakwao. Eemhata okutamanana naKalunga ngashi sha ningwa kuFarao ile kuPaulus, odi na tete okumanwa po, opo omunhu a pule:

Omwene, ondi na okuninga shike ndi xupifwe? Iil.9:6.

Omoghenda ei yeduliko hatu fininikwa meemwenyo okulonga oshilonga shOmwene. Osho tate Paulus a ti.

Omunashilongatumo Paulus ke lwete oupu wokunyamukula eembapila dihapu hadi va hange okwiindila va longe monhele imwe yetumo mOngerki.

"Eshi oshidjuu, osheeshi momaumbo omo tamu di ovanhu inamu longwa sha natango," osho a ti.

Ongerki oya yeulukilwa keenhele heyali omo oshilonga shetumo tashi longwa. Moushilo waUukwanyama, muAngola, mouningnino wOwambo, moushilo waNdonga, mOushimba nokuBotswana.

Omwamemengerki ya ELK, mOushimba oyo ya hovela epya eli lokuBotswana (Betsuanaland). Oshoongalele osha ningwa pehovelo lohani ei.

Eehotela daSuidwes kadi na onhele yovalaulaule

Eehotela odo tadi yandja oikunwa kovalaulaule va nwine meenhele dado, ode lilongela ehandu lofuto yeeranda ngeenge odinini omafele ane ile eehani 12 moolongo.



A HULITHA PO OONDJENDA DHE

Kuku Beat Henok, omukulukadhi gwatatekulu Paulus Shijagaja okwa hulitha po oondjenda dhe 4.4.1973 moshipangelo shepangelo mOshakati.

Kuku gwaHenok, (76) okwa hakukilwa komutima manga ta longo mepya lye nokwe etwa neendelelo enene moshipangelo moka a kala ashike iwiike yimwe.

Shono kuku gwaHenok a longo mOngandjera moka ya kala omimvo dhi vule 30 osha dhimbulukiwa nomahodhi ogendji kegongalo lyaKahao. Manga omudhimba gwanaakusa gwa lala popepi nowalitali, omuthigwapo tatekulu Shijagaja okwa londa moshivithilo ta tanga iilonga iinene ya Kalunga mbyoka ya monika mokukalamwenyo kwawo muule womimvo 54.

"Nguka okwa longo oshindji e vule ndje, megongalo ndika," osho omusitagongalo Shijagaja a hokolola.

"Onda thigwa po kumakula gandje, ihe onda thigilwa Jesus. Oluhodhi ondi lu na ihe olwopandjigilile, enyanyu opo li li molwaJesus ngoka tu uthile omukulukadhi gwandje," osho kuku Shijagaja a ti.

Rev. M. Nghipandulua okwa li wo a gandja ekundo lyehekeleko moshituthi shika shefumviko kutatekulu Shijagaja medhina lyombelewa yOngerki.

Kalunga mwene na gandje ehekeleko kegumbo alihe lyatatekulu Shijagaja nokegongalo alihe lyaKahao, osho wo koshilongo ashihe shono sha li sha yakulwa kunakusa.

DELK OKWA YAMUKULA PAFUPI

Eyamukulo lyongerki yAandowishi okuyamukula kombilive yepangelongerki lya ELK efupi lela nolya kuthwa ashike movelise ontintano yomontopolwa 13 mEpistoli lyotango kaAakorinto.

Oshifo shongerki ndjoka shono sha li natango sha pewa omausama ogendji kombilive, osha ti kutya sho opermiti yomusita Dunze inaayi peululwa oonkondo, omolwashono a lundulukile kongerki yaavalelwamo po inaapa ningwa etseyitho lyasha kombinga ya ELK.

Oshifo osha ti natango kutya onkatu yepangelo moshinima shono, oya li lela mondjila ngashi hashi ningwa pauthemba nopaveta dhuuyuni auhe.

Omuwilikingerki gwa DELK, Kurt Kirschnerreit, mombilive ye ina popya odhindji kaadhi shi ndhika:

Ohole ihayi holoka nayi, ihayi kongo shayo yene, ihayi lulu, ihayi dhimbulukwa ealulo lyuwinayi IKor. 13:5.

Osho sha tiwa koshifo shepangelo la S.A. sheti 22.3.73. Mohani tuu oyo oministeli yotete omushamane John Vorster opo a hangikile a ti kutya kaku na oveta oyo tai keelele ovalaule va lye vo va nwe meehotela. Ngeenge ovalaule ihava i mo, shapo ondjikilile ashike ye shi ningifa ile oshinima sha mwene wohotela.

Omupopyo ou owa pendula elinyengo linene mu Suidwes alishe ovatilyane ile ovalaule, nde ovalaule ve shi lola va tala ngeenge osho shili.

Omulaule umwe a djala nawa, okwa hoolola onhele yotete mohotela nokwa lya omusha a futa ngaashi sha halika. Omukanhu vali umwe okwa indila onhele yokunangala, opo a twikile efiku la shikula a ye oku ta i, otwe mu pa. Osho omunahotela umwe a hokolola.

Peenhele dimwe inashi enda ngaashi sha teelelwa. MOkaiti ovalaule vane ova va mohotela nde va dja mo omhadi ketako. MOvenduka mwa hangika ombapila ya valelwa komuti mwa shangwa: Shiwana sheembulu, omeva tae yua monduda.

Mwene wohotela ya yakula ovalaule okwa ti, kutya kashi na onduge okutapo ovalaule tava kongo eyakulo mohotela. Ohandi shi shiiva peni kutya ou oye e na okuyakulwa naawinya na tewe po ashike? Osho a ti.

Oshifo osha ti kutya kaku na nande oveta tayi yandja oufemba kumwene wohotela va dja koministeli opo ovalaule vomuSuidwes va nwine meehotela. Ngeenge okwe shi ningi, otashi mu tula moihokolola.

Eyelifilo liwa moveta yokuyandja oikunwa kovalaulaule meehotela ola teelelwa natango koovene veehotela muSuidwes.

OHATU KALA VAMWE MELALAKANO

Ongudu yovahongwa voseminali youfita kO-tjimbingwe ova yelula omapakete avo mopakale kodila kaVenduka nokulekela omuhongi wavo Gerhard Dunze pamwe neumbo laye.

Omatumbulo aa okwa li taa leshwa momapakete: "Kristus oye ombili yetu," "Ongerki yaKristus otai kala ya kola alushe." Ohole youmwainafana oyo aike ya pumbiwa muSuidwes." Etepo lovanhu olo elongifa lekuni; nomekuni kamu na onakwiwa yasha."

Omufitaongalo Dunze, moxungi yekelelo laye muKatutura mOvenduka okwa ti kutya, osho e shi ningilwa kepangelo la S.A. okwe shi tala kutya onghendabala yongaho okuteya po Ongerki yaKristus omu, nde ou ta kondjifa Kristus ote likondjifa mwene.

Omukulunhufikola yaPaulinum okwa ti, okutapo ovalongeli vOmwene ile oku va anyena eembapila otashi holola kutya epangelo ola dina Ongerki.

Oxungi ei oya kalwa yo koilyo yeengerki dimwe di lili ngaashi Ovangelikani, Ovame-todisi novongerki yOvandowishi.

"Indenipo nawa, fye ohatu kaleni vamwe meitavelo nomelalakano," osho ovatumwa vOmwene va lekelwa kovahongwa vavo mopakale ka J. G. Strydom mOvenduka.

Owambo noKavango otava ti shike?

Komufala weedalele daSuidwes fimbo ta ongele oilyo tai ka foloma okanguduyandji-mayele moanima yemanguluko ledu, oiwana ihapu moshilongo oya udika eshi tai diladila omolwako.

Takele nee kaasho sha udikile sha dile meudafano loministeli yotete ya S.A. omushamane John Vorster nomukalelipo wa dr. Waldheim omushamane Escher, kutya ku dikwe okangudu moshilongo taka willikwa koministeli yotete ya S.A., ka dje moitukulwa aishe yoshilongo nomomapangelo omihoko adishe.

Ovakalelipo ava va yandje eewino vo va longekidile ovanhu epangelo loukumwe tashi hovele koitukulwa aishe moshilongo (streke) tala, apa okwa tiwa oitukulwa, hamaduumbo ngaashi sha ikililwa, fiyo she ya mepangelo loukumwe (federale regering) ngeenge va pi.

Inaku shiivika vali sha shilwe shi lili sha kwatelelwa mo moilonga yokangudu aka.

Fimbo okangudu inaka ongala lwotete mOvenduka 23.3. omalimbililo ngeenge otaka eta po elunduluko noupu moshinima shaSuidwes, okwa dja moifo nomomakanya ovapolitika vahapu.

Eshi sha koleka omalimbililo avo omukalo wokwoongela oilyo yomokangudu mokati komihoko ngaashi mOwambo eshi vehe fi ovakalelipo vavo nhumbi va holoka po.

Ovaherero vaKajoko, Ovanama nEembatili inava uluma okuuya okutungwa olutu lwokangundu aka, nde va teelelifa eshiivo va konakone tete oshinima.

Ovadamara otaku tiwa omo vali momutumba wotete, nde vati ova tale ashike nhumbi tashi nane. Walye yo komesho.

Elenga lOvambaderu, Munjuku Nguvauva okwa li yo momutumba wotete. nde okwa dja mo ta ngungutula vati omunashipundi Vorster ina hala edina lemanguluko loshilongo eshi Namibia tali popiwa, edina olo li li momambo Oiwana ya hangana oyo ta longo medina layo. Naye komesho kashi shiivike manga eshi ta ka ninga po.

Ovakalelipo vOwambo noKavango eshi inava tya sha natango ove li peni? Ile ova teelela tu lye notu pone keshe osho tave tu pe, shiwa ile shii ngaashi moanima ikwao? Ile oifo neeradio oyo aike ya tuvikila omadiladilo ovanhu vetu? Ile ovo tava umbwa omushe koifo kutya oiwana mokangudu oya kalela po "keestoozes" - ovakwafeli voilonga tai ehameke vakwao? Ile opo kwa li tava tungu ehokololo lavo?

Ohatu lineekele kutya ehokololo lavo otali kala yo la kwatelela mo nomapulo inaa nyamukulwa komunashipundi wavo, amwe ngaashi taa shikula apa:

Oshilonga nelalakano lepangelo la S.A. mouyelele wokangudu aka.

Ngeenge okangudu aka oko taka kala efina oko taku ka mena epangelo loukumwe woshilongo.

Kutya yo omolwashike kwa hoololelwa ashike mokangudu ovo ve lile po nale epangelo la S.A.

Nongeenge okangudu ka hoololwa otaka ka hafela tuu ashishe osho tashi diminwa ku Hamushanga Ndjal woiwana ya hangana.

Omapulo okwa dja kepangelo lEembatili opo vaha lungifwe onhakwi yomeva, sho shi etele oiwana yaSuidwes oupyakadi u dulife shito.



Omulongwasita Aino Max okwa tsikile oshilongayakulo she megongalo lyandjawa mOniipa, konima sho a yakula moshilonga shomokati kaagundjuka mongerki. Aalongwasita ayehe mongerki otaa yakula momagongalo manga osikola yawo inayi tameka.

Iilonga yomagongalo mu Elok

Iilyo yomagongalo mongerki ndjika nomuvogu oya li ya topola momaliko gawo noya gandjele kongulu yaKalunga, eyamukulo lyeputudho ewanawa mpaka kombinga yeledo lyegumbo lyaKalunga.

Metulokumwe lyomiyalu dhomagongalo, omudhigininiwe yongerki nomusilishimpwiyu meputuko lyelelo lyegumbo lyOmuwa, omusitagongalo Matias Nghipandulwa, omwa dhimbululwa nawa oshinima shoka.

“Omagongalo gahamano ga li ga sindana 1971 oga nyengwa okwadha esindano 1972, ihe oga kondjo ngaa notage shi pandulilwa,” osho tate Nghipandulwa a tumbula metulokumwe lyomiyalu dhe.

Nando kwa fa ku na ekuluko megongalo lyiliniwe, otashi dhimbululwa nawa momiyalu ndhoka kutya omagongalo agehe mongerki

Katu na oitya yokupandula

Ovamati nye novashamane tamu longo mOvenduka, pandulweni keongalo lokOngenga, eshi mwe tu kwafa nomwa tula ko eke leni koilonga yetu yetungo longerki.

Oimaliwa oyo mwa umba pachelo laVilho Mwamukange noya kala hai diininwa kuDavid Nghiidileko oya fika kutya R34.00. Omwene ne mu punike.

Ovambaye nanye yo pandulweni kovanyasha veongalo laNgenga eshi Lavinia Hamba ta a kala te mu ehela molwoshikefa shavo, ndele a mona nokuli shi fike R12.70 lyaloo. Ovanyasha vetu ove mu halela epuniko laKalunga notava halele aveshe ombili i kale navo naLavinia yo. Tangi.

Adolf Hangula

Kalunga ketu omunamapangelo agehe, otatu ku pandula notatu ku hambelelele uwanawa woye waa na ondjele. Ngoye mwene sho we tu egululile omiyelo dhOmumvo nguka Omupe, tu pa wo omadhiladhilo mOmbepo yuukumwe noyuumwayinathana. Dhimapo mutse ondumbo tayi kunwa mo komutondi satana ngoye u tukule mutse ombepo yuukalunga, ombepo yaa na eyambululo.

Tu ninga oshigwana shimwe mevi ndika, evi ndyoka ngoye mwene we li pa nale ookuku nowe li longekidha tu kale mo tse aatekulu yawo nongaashi wo wa hala li kale uthiga waatekulu naatekulululwa yetu. Mopaasa ndjika ya hedha ko, tu ithanena kungoye, opo tu tale nkene ngoye Omukulili gwetu to dhike omushigakano gwoye pokati koshigwana shoye, mpoka omuhoko kehe tagu hedha ko pwaa na etalathano nenyonyodholathano lyomalwaala. Pomushigakano mpoka omake goye omayapuki taga lapa Aanamibia ayehe koombinga adhihe dhevi ndika notaye ya taye ende nemanguluko okuthika koho yomushigakano gwoye ngoka gu shi okutula kumwe iigwana yomuuyuni auhe.

Hamuka muNamibia amuke, ihe dhika wo omushigakano ngu mUuzilo wopokati, opo Aayegipiti naantu yoye Aaisraeli ye ethe iikondjitho yo ya matukile komushigakano ngu, ya adhe evululuko nombili yashili. Omushigakano ngu gwoye nagu yeluke wo muVietnam, opo gu hanganithe iigwana mpeyaka. Ombili yoye yashili opo yi tseyike nokuunona wa valelwa nowa kokele miihuna yiita nome-tiko lyombinzi, uunona mboka kaa shiwo ngele kuuyuni okwa kala tuu shili ombili.

Jehova Kalunga kaaluhe, nOmuwa Sebaot, otu shi shi owa hala okutseyitha nokulolitha oshigwana shika shoye uutoye wemanguluko lyomalutu moka wo oomwenyo dhetu tadhi ka tsa oshenyo nomomeho getu tamu ka vila mo omahodhi genyanu nogolupandu. Tu dhimbulutha wo aluhe oku ku hambelelele uwanawa woye waa na ehulilo nowaa na ondjele, uwanawa woye kaa shi kuyelekwa nasha.

Hahalo lyetu li gwanithwe Omuwa, ihe ehalo lyoye eyapuki li gwanithwe Amen. I. A. Engombe

ga ningi lyata po ndi lyatepo ga tidhathana.

Omagongalo gatano mOndonga oga sindana natango. Mokati kago omwa gwa limwe pehala lyalyo tapu pingewa kegongalo lyaKaku lya sindana lwotango mOshitayingerki shoka.

Omagongalo ngaka: Eheke, Ontananga, Okankolo nOlukonda. Agehe oga sindana inaaga pumbwa we ekwatho tali zi pondje.

Moshitayingerki shUuninginino omu na kamanakandongo mOngerki ayihe Okahao. Olya gwedhelwa etiyali lya sindana lyotango nolimwe lyomoonkelo dhomagongalo moshitay shoka, Elondo.

MUukwanyama omwa zi Ongenga. KoKavango inaku tumbulwa sha ihe kaye li owala.

Ngiika ondjila yimwe ayike nofupi tayi vulu okweendwa komagongalo mitayingerki yilwe, opo yi adhe momanta goshitayingerki shaNdonga.

a) Okukonga omutonateli moshitayi e na edhina Shipanga, opo a vule okupanga omagongalo.

b) Okukumagidha aalumentu ngele taa luka kiilonga kUushimba kaaya menekele ethimbo ele mOndonga, opo iimaliwa kaye yi thigile Aandonga.

Nenge Andonga yakwetu ohamu matuka ano ngilni? Edhina lyombwa okumukweni ho li uvu.

Meme Salme Manninen a ka fudha po kuSoomi. Okwa longo moKavango megongalo lyaRupara, mokati kaagundjuka.



OMUKWETU

Oshifo shOngerki onkwaevangeli paLuther yomOwambokavango
Die Nuusblad van die Evangeliese Lutherse Owambokavangokerk
Ohashi nyanyangidhwa mOniipa,
Omukuluntu gwoshifo/Hoofredakteur omumbisofi Dr. Leonard Auala,
Amushanga/redakteur Rev. Sebulon Ekandjo
Ondando yoshifo komumvo muSuidwes-Afrika R1.00, kombanda yomafuta R2.00
Oondando nomambestelo naga tumwe kOmukwetu, Oniipa, P/B 2013, Ondangwa, S.W.A.

Omatseyitho gomuntu mwene pashinyolwa shuule woondeimi	1	otashi futwa	R1.00
woondeimi	2	otashi futwa	R1.90
woondeimi	3	otashi futwa	R2.70
woondeimi	4	otashi futwa	R3.40
woondeimi	5	otashi futwa	R5.00

Oto vulu okutuma wo efano lyaashono wa hala shi tseyithwe.

Owambokavango Church Press
P/B 2013, Ondangwa, S. W. A.